

本草經疏輯要卷二目錄

石金土水部

丹砂

雲母

石鐘乳

紫石英

白石英

雄黃

磁石

陽起石

太陰元精石

代赭石

礞砂

石硫黃

爐甘石

寒水石

石膏

滑石

赤石脂

花乳石

浮石

礞石

蓬砂



珊瑚

砒霜

禹餘糧

無名異

礬石

綠礬
礬紅

石灰

密陀僧

自然銅

金箔

水銀

靈砂

輕粉

鉛

粉錫
即鉛粉

鉛丹
即黃丹

鉛霜

芒硝

朴硝

元明粉

食鹽

戎鹽

古文錢

鐵落

鐵鏽

銀朱

銅青

伏龍肝

百草霜

梁上塵

孩兒茶

東壁土

黃土

井底泥

蚯蚓泥

水



本草經疏輯要卷二

海虞後學吳世鎧懷祖纂

石金土水部

忌一切血

丹砂味甘微寒無毒主身體五臟百病養精神安魂魄益氣明目
通血脈止煩滿消渴殺精魅邪惡除中惡腹痛毒氣疥癩諸瘡悅
澤人面久服通神明不老輕身神仙
丹砂稟地二之火兼天七之氣以生爲清鎮少陰君火之上藥
辟除鬼魅百邪之神物安定神明則精氣自固火不妄炎則金
木得平而魂魄自定矣
同眞珠琥珀金箔牛黃犀角天竺黃



中國醫藥大學圖書館版權所有

止胎驚解
胎毒

忌羊血用
礬煉則柔
燂

滑石末服治小兒急驚有神

研飛如塵以甘草生地煎濃

調分許與兒初生時服之能止胎驚解胎毒

入六一散

氣伏於心經神昏口渴及泄瀉如火熱

入補心丹鎮心神定

魂魄

入乳香托裏散散癰疽熱毒及毒氣攻心發譫語

若

經伏火及一切烹煉則毒等砒礬服之必斃戒之

雲母味甘平無毒主身皮死肌中風寒熱如在車船上除邪氣安

五臟益精明目下氣堅肌續絕補中療五勞七傷虛損少氣止痢

久服延年悅澤不老

雲母石藥中溫良之品也甘緩溫和平性鎮墜能使火氣下降

火降則水升既濟之象也。得鉛丹熬成膏可貼一切癰疽瘡毒和以昇丹細末更著奇效。性雖甘平終屬石質與臟腑氣血實非同類祇宜用以治病取效若夫益精明目延年必不然之論也豈敢信耳。

石鐘乳味甘溫無毒主欬逆上氣明目益精安五臟通百節利九竅下乳汁益氣補虛損療腳弱疼冷下焦傷竭強陰久服延年。

石鐘乳稟石之氣而生其性慄悍得火則有大毒縱治虛寒尚須審察甄權主寒嗽通聲者以辛散邪結溫祛寒氣故也。得牛黃白蠟象牙真珠乳香沒藥樺皮炭龜版炭枯白礬蛀竹屑。

傳廣瘡毒

飛入丸散

火煨醋淬

七次碾末

水飛

細研治廣瘡結毒爛壞鼻梁及陰蝕陽物傳之有神 石性大

溫若加火煨有毒無疑經曰石藥性悍味斯言也

紫石英味甘辛溫無毒主欬逆心腹邪氣補不足女子風寒在子

宮絕孕十年無子療上氣心腹痛寒熱邪氣結氣補心氣不足定

驚悸安魂魄填下焦止消渴除胃中久寒散癰腫令人悅澤久服

溫中輕身延年

紫石英稟土中陽氣以生味厚於氣陽中之陰降也入手少陰

心足厥陰肝經時珍曰上能鎮心怯下能益肝虛乃益心肝通

血脈鎮墜虛火歸元之品爲女人煖子宮之要藥 同白薇艾



葉鹿角膠當歸山茱萸川芎香附治女人子宮虛寒無子

其

性鎮重氣煖而補故心神不安肝血不足及女子血海虛寒不

孕誠爲要藥止可暫用不宜久服婦人絕孕由陰虛火旺不能

攝受精氣者忌用

白石英味甘辛微溫無毒主消渴陰痿不足欬逆胸膈間久寒益

氣除風溼痺療肺痿肺癰吐膿久服輕身長年

白石英稟土中之陽兼金氣以生味厚於氣陽中之陰降也入

手太陰肺手陽明大腸經氣分藏器曰溼可去枯白石英紫石

英之屬是也時珍云治痿痺肺癰枯燥之病止可暫用切勿久



中國醫藥大學圖書館版權所有

服凡石類皆然不獨石英也

雄黃味苦甘平溫有毒主寒熱鼠癩惡瘡疽痔死肌療疥蟲

目痛鼻中息肉及絕筋破骨百節中大風積聚癰氣中惡腹痛鬼

疰殺精物惡鬼邪氣百蟲毒勝五兵殺諸蛇虺毒解藜蘆毒

雄黃稟火金之性得正陽之氣以生氣味俱厚升也陽也入足

陽明胃經功能燥溼殺蟲為瘡家要藥 同紅藥子白藥子白

及白歛乳香沒藥冰片傳一切腫毒癰疽 研細末入猪膽內

套指頭上治天蛇疔毒發於中指 同蜈蚣牛角鯢猪懸蹄甲

猬皮象牙末黃蠟白礬治通腸漏 同漆葉苦參刺蒺藜白芷

天蛇疔毒



凡丸散

火煨醋淬

研細水飛

荊芥天麻鼈蝨胡麻半枝蓮豨薟百部天門冬治大麻風眉

脫傳疥癬惡瘡疥腫辟鬼魅邪氣在所必用然性熱有毒外

用易見其長內服難免無害凡在服餌中病乃已毋盡劑也

磁石味辛鹹寒無毒主周痺風溼肢節中痛不可持物洗洗酸

除大熱煩滿及耳聾養腎臟堅骨氣益精除咽痛通關節消癰腫

鼠瘻頸核小兒驚癇

磁石生有鐵處得金水之氣氣味俱厚沉而降陽中陰也入腎

肝二經鹹以入腎性鎮墜而下吸甄權云補男子腎虛風虛身

強腰中不利加而用之宗爽云養腎氣填精髓腎虛耳聾目昏



經正轉

者皆用之。諸藥石皆有毒且不宜久服獨磁石性稟冲和無

猛悍之氣有補腎益精之功大都漬酒優於丸散石性體重故

爾

陽起石味鹹微溫無毒主崩中漏下破子臟中血癥瘕結氣寒熱

腹痛無子陰痿不起補不足療男子莖頭寒陰下溼痒去臭汗消

水腫久服不飢令人有子

陽起石稟純陽之氣以生齊州陽起山常有煖氣雖大雪徧境

獨此山無少積蓋石氣熏蒸也入右腎命門補助陽氣并除積

寒宿血留滯下焦之聖藥同破故紙鹿茸臘臍菟絲子狗

忌羊血不
入湯凡用
火煨酒淬
七次研細
水飛



陰莖肉痿容已戟天治命門虛寒陰痿不起精寒無嗣

陰虛

火旺者忌之陽痿屬於失志以致火氣閉密不得發越而然及崩中漏下由於火盛而非虛寒者並不宜服

太陰玄精石味鹹溫無毒主除風冷邪氣溼痺益精氣婦人瘕冷

漏下心腹積聚冷氣止頭疼解肌

太陰玄精石出鹽鹵之地乃至陰之精凝結而成故形皆六出

外老陰之數也其色青白龜背者良詳其主治氣味應帶辛寒所

以能除風冷邪氣解肌本經誤認為溫故有婦人瘕冷漏下冷

氣之治皆非所宜也宜入來復丹治緩急諸病但有胃氣無不



獲安 傷寒陰證不宜服鹹能走血用以引經入腎則可多則

反瀉腎傷血矣戒之

代赭石味苦甘寒無毒主鬼疰賊風蠱毒殺精物惡鬼腹中毒邪

氣女子赤沃漏下帶下百病產後胞衣不出墮胎養血氣除五臟

血脈中熱血痺血瘀大人小兒驚氣入腹及陰痿不起

代赭石稟土中陰氣以生氣薄味厚陰也降也入手少陰心足

厥陰肝經好古曰虛則氣浮重以鎮之代赭之重以鎮虛逆故

仲景旋覆代赭湯治傷寒汗吐下後心下痞鞭噫氣不除下

部虛寒者不宜用陽虛陰痿者忌之

大藥服赤
嚼碎三次



硝砂味鹹苦辛溫有毒主積聚破結血爛胎止痛下氣療欬嗽宿冷去惡肉生好肌

硝砂乃鹵液所結秉陰毒之氣含陽毒之精能消五金八石腐

壞人腸胃化人心爲血柔金銀可爲鐸藥其毒猛烈如此柔金

化石之性其能生好肌乎此前人之誤耳同明礬牛黃鉛粉

象牙真珠爲末點鼻中息肉卽落此藥惟去惡肉息肉目腎

弩肉惡瘡是其所長內服必害人命戒之中其毒者菜豆解之

石硫黃味酸溫大熱有毒主婦人陰蝕疽痔惡血堅筋骨除頭禿

療心腹積聚邪氣冷癖在脇欬逆上氣脚冷疼弱無力及鼻衄惡



瘡下部蠱瘡止血殺疥蟲

疏黃稟火氣以生氣味俱厚純陽之物也酸溫能補命門不足

大熱能除下焦溼氣本經主堅筋骨別錄療鼻衄止血皆非其

宜夫熱甚則骨消筋緩火載血上則錯經妄行豈大熱之物能

療無是理也 入雞子同艾葉煮食治婦人白帶因於虛寒者

此藥古方未有服餌本經止用治瘡蝕攻積聚而近世遂爲

常服丸散如來復丹半硫丸金液丹及諸方書所載者不可縻

指稱其功用未能殫述然人身之中陽常有餘陰常不足病寒

者少病熱者多假令果係虛寒證法當補氣回陽亦何須藉此



毒石哉世人徒知取效良捷而不知其爲害之酷烈也戒之中

其毒者黑鉛煎湯解之或食冷猪血猪肉鴨羹並解之

爐甘石味甘溫無毒主止血消腫毒生肌明目去腎退赤收淫除

爛治目中一切諸病

爐甘石受金氣而結其性帶澀溫能散風熱性澀能粘物爲目

病要藥同黃連煮煨加入海螵蛸礬砂冰片硃砂研極細點

目疾去腎障

寒水石味辛甘寒大寒無毒主身熱腹中積聚邪氣皮中如火燒

煩滿水飲之除時氣熱盛五臟伏熱胃中熱止渴水腫小腹痺久

服不飢

寒水石生鹵地稟積陰之氣而成其氣大寒能除有餘邪熱經

曰諸脹腹大皆屬於熱者宜之

凡陰虛火旺咳嗽吐血多痰

潮熱骨蒸脾虛作泄諸溼腫滿屬脾土者忌之

石膏味辛甘微寒大寒無毒主中風寒熱心下逆氣驚喘口乾舌

焦不能息腹中堅痛除邪鬼產乳金瘡除時氣頭痛身熱三焦大

熱皮膚熱腸胃中結氣解肌發汗止消渴煩滿腹脹暴氣喘息咽

熱除肺胃熱散陽邪

礬者是軟
者即寒水
石如煨熟
寒性緩糖
炒則不妨
胃

石膏稟金水之正得天地至清至寒之氣陰中之陽可升可降

